

BORTZIRIETAN PROIEKTUA BURUTZEN DUTEN IRABAZI-ASMORIK GABEKO ENTITATEEI DIRULAGUNTZA BANAKETA

I. XEDEA

Dirulaguntza honen helburua da Bortziriako herrietan egiten diren eta Bortziriarrei eskainitako proiektuak diruz laguntzea.

Deialdiaren laguntza proiektu edo zerbitzuak finantzatzeko izanen da. Ez dira hitzaldiak diruz-lagunduko.

Entitate bakoitzak proiektu edo zerbitzu bakarra finantzatzeko eskaera egin dezake.

Proiektuak edo zerbitzuak 2020. urtean zehar burutua izan beharko du, hau da, aintzat hartuko dira urtariletik abendura bitarteko gastuak.

II. ESKABIDEAK AURKEZTEKO TOKIA ETA EPEA

Eskaera behar bezala beterik aurkeztu beharko da, horretarako bi bide daudelarik:

- Aurrez aurre, Bortziriako Gizarte Zerbitzuen Mankomunitatean (Andutzeta kalea, 15 3. solairua, Etxalar).

Ordutegia: astelehenetik ortziralerara 8:00etatik 15:00etara.

- Posta elektronikoaren bidez, helbide honetara: info@bortziriakgz.eus

Eskaerak aurkezteko epea: 2020ko urriak 30.

Epez kanpo sartutako eskaerak edo bertze bideetatik sartutako eskaerak bazterturik geratuko dira.

III. AURKEZTU BEHARREKO DOKUMENTAZIOA

Eskaerak datu hauek jasoko ditu, daturen bat faltako balitz eskatzaileari utzitako harreman bideen bidez gehitzea eskatuko zaie:

Eskabide orokorra (instantzia ofiziala: eskatzailearen datuak eta harremanetarako bideak zehaztu eta entitate eskatzailearen datuak).

Proiektua: Burutu beharreko proiektuaren azalpena (proiektuaren edo jardueraren ezaugarriak, bete nahi diren helburuak, burutu beharreko jarduera zehatzak, zer metodologia erabili behar den proiektua garatzeko, eta zer giza baliabide, baliabide material eta finantza-baliabide dauden, ...). Ezingo da datu pertsonal edo identifikagarririk eskaini.

Alderdi ekonomikoak eta beste agiriak:

- Proiektuaren jarduera bakoitzaren aurrekontua atal hauek, nahitaez adierazita:
 - Aurrekontuaren zenbatekoa.
 - Diru-sarreraren aurrekontua.
 - Diru laguntza honetatik gutxi gorabehera kobratu nahi den diru-kopurua. Eta zehazki zertara bideratzeko asmoa dagoen.
 - Aipatu proiektua garatzeko bertze erakunde batzuek eman beharreko dirulaguntzak.
- Banku edo aurrezki kutxako ziurtagiria, kontu korrontearen zenbakia eta IFZa jasoko dituen diru-transferentzia egiteko.
- Nafarroako Gobernuako Elkartearen Erregistroan behar bezala erregistratuak egotea.
- Gizarte Segurantzarekiko eta Nafarroako Zerga Ogasunarekiko zerga guztiak kitatuak izatea.
- Bortzirietako udalekin (hau da, Arantza, Igantzi, Etxalar, Bera edo Lesakako udalekin) zorrik ez dagoela egiaztatzen duen ziurtagiria.

IV.ERABILIKO DIREN EBALUAZIO IRIZPIDEAK:

Diru-laguntzak emateko ebaluazio batzordeak alderdi hauek hartuko ditu kontuan:

- a) Diru-laguntza honekin lagundu nahi den proiektuaren interes soziala Bortzirietan: **Otik 10era arteko puntuazioa emanen da.**
 - Proiektua Bortzirietako zenbat herrietan eskaintzen da.
 - Bortzirietako onuradun kopurua (datuak sexuaren arabera bereiztu beharko dira)
 - Erabiltzaileen perfila
 - Hasetzen den beharra
 - Bortzirietako baliabideekin duten osagarritasuna, elkarlana
- b) Proiektua aurrera eraman duen entitateak Bortzirietan duen presentzia edo eragina: **Otik 8ra arteko puntuazioa emanen da.**
- c) Burutu beharreko jarduerak duten osagarritasuna maila profesionalean: **Otik 1era arteko puntuazioa emanen da.**
- d) Kanpoko bideragarritasun ekonomikoa, hau da, bertze entitateei dirulaguntzarik eskatzen ote zaion gastuetan laguntzeko. **0-tik 3ra arteko puntuazioa emanen da.**

V. ESKAEREN EBALUAZIOA

Diru-laguntzak emateko proposamena balioetsi eta egiteaz arduratuko den Batzordea Gizarte Zerbitzuko teknikariek eta idazkariak osatuko dute.

Laguntzarako eskubidea izateko nahitaezkoa izanen da gutxienez ere 9 puntu lortzea.

Konpromisoak ez betetzeagatik, eta Batzordeak beharrezkotzat jotzen badu, dirulaguntza geldiarazteko eta itzultzeko eskatuko dio entitateari, honako arrazoi hauengatik:

- a) Diru-laguntza jasotzea baldintzak bete gabe.
- b) Nahitaez egin behar diren egiaztapenak errefusatzeko edo oztopatzea.
- c) Justifikazio ekonomikoa epe barnean ez aurkezteagatik edo/eta esleitutako diru kopuru guztia ez justifikatzeagatik.

Deialdi honekin lotutako gastuei aurre egiteko, 2020ko aurrekontuan kreditu egoki eta nahikoa dago.

Batzordeak proiektuen balorazioa egingen du, eta zehaztuko du eskatutako gutxienerako puntuazioak gaintitu dituzten proiektuei zer zenbateko dagokien. Inoiz ez da eskatu baino diru kopuru handiagoa emanen.

Gutxienerako puntuazioak lortu dituzten entitate eskatzaileek eskatzen dituzten zenbatekoen batura deialdiko kredituaren parekoa edo txikiagoa bada, eskatutako zenbatekoa emanen zaio eskatzaile bakoitzari.

Batura hori deialdiko kreditua baino handiagoa bada, banaketa hainbanatu egingen da eskatzaileen artean. Horretarako, gutxienerako puntuazioak lortu dituzten eskatzaile guztien puntuak batuko dira, kreditu erabilgarria zenbateko horretaz zatituko da, eta horrela lortuko da puntuaren balioa. Eskatzaile bakoitzak jasoko duen zenbatekoa kalkulatzeko, balio hori lortutako puntuarekin biderkatuko da.

VI. ESKAEREN EBAZPENA ETA DIRULAGUNTZAREN JUSTIFIKAZIOA

Balorazio batzordeak, eskaerak aztertu ondoren, eta Mankomunitateko Lehendakariaren ebazpen bidez, erabakia berretsi beharko du. Ondoren eskatzaileei jakinaraziko zaie jasoko duten dirulaguntzaren zenbatekoa eta ordainketa berehala egingen da.

2021eko urtarrilaren 29rako jaso duten diru kopurua eskatutako proiektuan erabili dela justifikatzen dituzten fakturak aurkeztu beharko dira, baita proiektua edo zerbitzuaren argazkiren bat ere, datu pertsonalik eman gabe.

Aurkezpena aurrez aurre, Gizarte Zerbitzuaren bulegoan (Andutzeta kalea, 15 3. solairua, Etxalar) edo posta elektronikoz (info@bortziriakgz.eus helbidean) egingen da. Betebehar hau egiten ez duenari dirulaguntza itzultzea eskatuko zaio osotasunean edo justifikatu gabe utzi duen kantitatean.

Agiri honetan aurreikusten ez diren kasuetarako, Batzordeak ebatziko du nola jokatu den.

Dirulaguntza banatzeko oinarri eta irizpide hauek 2020ko ekainaren 3an eginiko Mankomunitateko bileran onetsiak izan dira.